



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Traditio Pettonis Episcopi De Hächingen.

urn:nbn:de:hbz:466:1-13591

sentientibus addidi etiam alias duas Ecclesias Dihingas, & ad Ehapal dingas, & meipsum, & quicquid habui ad ipsam Ecclesiam tradidi, & firmiter in omnibus confirmaui. Dedicatâ autem Ecclesiâ accessi, & profunis signo tradidi eam in manus Iosephi Episcopi, vt in æuum permansisset ad Domum sanctæ Mariæ ad Frisingas, vt nos & Fratres nostri ibidem habuissimus Caput & Tuitionem capitis. Ipsum autem Oratorium dedicatum est in honore sancti Dionysij in Calendis Nouembris. Et statui tam pro me & pro parentibus meis & cohæredibus, vt pro remedio animarum nostrarum ibidem perpetualiter permansisset cum omnibus acquisitionibus meis, cum mancipiis & pecoribus & ædificiis, pecuniis, terris, syluis, cultis & incultis, ruribus pratis, pascuis, aquis, aquarumque decursibus, omnia in omnibus firmiter tradidi & confirmaui ad prænotatam Domum Dei. Regnante Domino & Illustrissimo Duce nostro Thasilone. Anno XXV. Indictione. XV. Isti sunt testes. Atto, Frater eius Pippi, Alprich, Cundhart, Reginhart, Mandelker, Isenker, Meio, Erganol, Oadelker, Adalgart, Starkolf, Toto, Deotmar, Fritilo, Helmker, Herideo, Vrfo, Sundarhere, Egino, Altrich, Oasrich, Sicco, Richbald, Deotmar, Perchtolt, Icho, Ezzilo, Fricho.

TRADITIO PETTONIS EPISCOPI
DE HÄCHINGEN.

SACROSANCTO Monasterio sancti Dionysij quod est constructum in Regno Francorum, in Ducatu Baiuoriarum, super fluuium qui dicitur Ilura, vbi Venerabilis Vir Petto Episcopus seu Abbas ad regendum præesse videtur.

Ego ipse Petto Episcopus & Abbas, cogito primùm ob Dei timorem seu pro peccatis meis minuendis, atque pro æterna retributione dono ad ipsam Ecclesiam S. Dionysij à die præesente, donatumque in perpetuum esse volo, hoc est, res proprietatis meæ in villa quæ dicitur Hachinga, & mancipia his nominibus. Wenilo & Adelsvind cum infantibus eorum Othelm, Adelm, Hleokelt Gozind, & alia mancipia. Luibrat, Heribirck, Drustat, Ottmunt cum infantibus suis, vel quicquid de genitore meo ad me peruenit, tam mansis, campis, pratis, syluis, pomiferis, aquis, aquarumque decursibus, exitibus & regressibus, cultum vel incultum, omnia in omnibus, totumque integrum. Similiter dono in ipsa Villa Hachinga, quicquid de Helfrico comparauit, mancipiis vel mansis, campis, pratis, syluis, pomiferis, aquis, aquarumque decursibus, exitibus & regressibus, cultum vel incultum, omnia in omnibus, totumque integrum. Similiter dono & in villa quæ dicitur Puoloch, quicquid de Folkero & filio suo Milone comparauit, tam mansis, campis, pratis, syluis, pomiferis, aquis, aquarumque decursibus, exitibus & regressibus, cultum vel incultum, omnia in omnibus, vel de quocunque ingenio ad me peruenit, vel peruenire poterit ad integrum, vt quicquid exinde agentes sancto Dionysio facere voluerint, in eorum maneat potestate, nulloque contradicente. Si quis aut ego quod fieri non

non

non arbitror, aut aliquis de heredibus vel cohæredibus meis seu quælibet vlla opposita persona, quæ contra hanc donationem quam ego plenissimâ voluntate scribere postulaui, venire temptauerit, ne hoc valeat euindicare aut præpedire vbi donatum est, sed hæc donatio in perpetuum firma permaneat. Acta est in Monasterio sancti Dionysij sub oppido Villæ, quæ nuncupatur Scefflari publicè. Isti sunt testes veri Orendil Comes. Erchenolf, Helfrich, Heribert, Albrich, Altolf. In Dei nomine ego Petto Episcopus hanc donationem à me factam relegi & subscripsi.

Cuniprecht heil. Actum in loco qui dicitur Scefflari, Mense Aug. VI. Idus Aug. Anno VI. Imperij Domini nostri Caroli magni Imperatoris, & Regni eius in Francia, XXXVIII.

IN nomine sanctæ & indiuiduæ Trinitatis, Otto ego Dei gratia *Frisingensis* Ecclesiæ Episcopus qualicumque misericordia Domini fauente volens Episcopatus nostra diruta instaurare, religionis seminaria plantare, plantata rigare, Præposituram *Schefflarn* cum vniuersis quæ vel prædecessorum nostrorum largitate, vel comprouincialium liberalitate conquisita sunt: videlicet Ecclesiis, mancipiis, villis, agris, pratis, pascuis, decimis, cultis & incultis, Fratribus secundum Regulam *B. Augustini*, & consuetudinem *Præmonstratensium* Fratrum Deo ibidem seruientibus contradidimus. Quædam etiam Beneficia nostri Episcopatus eis perpetuò retinenda donauimus, Ecclesias insuper eidem loco adiacentes, scilicet *Schefftelaren, Yrsenhusen, Niuuaren, Echboldingen* vtilitatis gratiâ cum cura animarum terminando ad idem Monasterium transmouimus. Volentes autem Fratrum eorundem justæ petitioni aurem accommodare, Fratres ibi professos ne discedant, discedentes vt nullus suscipiat Anathematis vinculo volumus confirmare. Adiicimus etiam vt de laboribus manuum & de nutrimentis animalium eorum in nostro Episcopatu nullus decimas exigat. Obeunte verò Præposito nullus nisi canonicè electus substituatur. Aduocatum si intolerabilis fuerit mutandi facultatem, & qui ibidem sepeliri postulauerint, concedimus libertatem. In Ecclesiis ad claustrum eorum pertinentibus sine petitione ipsorum Sacerdotes non ponantur. Possessa vel justè possidenda vt nullus surripere audeat, vel eodem Fratres inquietare, aut aliqua exactione infestare præsumat, auctoritate DEI & nostra instantissimè prohibemus. Hæc autem vt perpetuò inconuulsa permaneant, quemadmodum præfatum sumus, auctoritate DEI & Beatae Mariæ, cuius Ecclesiæ misericordia ipsius præsidemus, & omnium Sanctorum, nec non &

Metrop. Salisb. Tom. III.

bb 2

nostra